

趨田地城逼其都智盛出降君集分兵略地三下郡五縣二十

二城以其地爲西州尋拜智盛爲左武衛將軍封金城郡公

兩唐

書高昌傳 麴氏有國至智盛凡九代一百四十一年而滅

按兩唐書高昌傳並作九世一百三十四年今由景明元年

數至貞觀十四年正得一百四十一年諸史紀年均有錯誤

麴氏年表據唐會要作一百四十四年今據周書嘉立太和

末年之文及余所得重光年號墓表改訂至云傳國九代北

史及隋書高昌傳均云嘉死子堅立堅死子伯雅立伯雅已

後有文泰智盛計僅得五世而魏孝莊紀有麴光一代北史

周書又有玄喜寶茂二代合共前五伐共得八世尙缺其一

又余所發現之高昌墓表有重光章和永平和平建昌延昌